

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2019/47, 26.06.2019թ.

**Բողոք բերող անձ՝** «ԷյչԷյ Գրուպ» ՍՊԸ

**Պատվիրատու՝** «Սուրբ Գրիգոր Լուսավորիչ ԲԿ» ՓԲԸ

**Գնման ընթացակարգի ծածկագիրը՝** «ՍԳԼ-ԳՀԾՁԲ-19/30» ծածկագրով գնանշման հարցում

**Գնման առարկան՝** Դեղատնային ծառայության ձեռքբերում

**Բողոքի պահանջը՝** Պարտավորեցնել պատվիրատուին և/կամ գնահատող հանձնաժողովին ընդունել որոշում ընթացակարգը չկայացած հայտարարելու վերաբերյալ

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝** Լ. ՕՀԱՆՅԱՆ

**ՔԱՐՏՈՒՂԱՐ՝** Ռ. ՄԿՐՏՉՅԱՆ

**Նիստերին կարելի է առցանց հետևել <https://www.e-gov.am/gnumner/> հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,

- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

# <<ԷՅՉԷՅ ԳՐՈՒՊ>>

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ

19.06.2019թ

**Գնումների հետ կապված բողոքներ քննող անձին**

**Բողոք բերող՝** <<ԷՅՉԷՅ ԳՐՈՒՊ>> ՍՊԸ  
**հասցե՝** ՀՀ, ք. Երևան, Արտաշիայան փ. 51/162.,12բն.  
**հեռ՝** 093343627  
**Էլ. փոստ՝** hagrroupllc@mail.ru

**Պատվիրատու՝** Սուրբ Գրիգոր Լուսավորիչ բժշկական կենտրոն ՓԲԸ  
**հասցե՝** ՀՀ, ք. Երևան, Նոր Նորքի 3-րդ միկրոշրջան, Գյուրջյան փող., 10 շենք

**Գնման ընթացակարգի ծածկագիրը և առարկան՝**  
Սուրբ Գրիգոր Լուսավորիչ բժշկական կենտրոն ՓԲԸ-ի կարիքների համար դեղատնային ծառայության ձեռքբերում, ՍԳԼ-ԳՀԾՁԲ-19/30

## Բողոք

### Գործի հակիրճ նկարագրությունը և փաստերը.


Սուրբ Գրիգոր Լուսավորիչ բժշկական կենտրոն ՓԲԸ-ի կարիքների համար կազմակերպվել է ՍԳԼ-ԳՀԾՁԲ-19/30 ծածկագրով գնանշման հարցման ընթացակարգ (այսուհետ նաև՝ Ընթացակարգ):

Ընթացակարգի հրավերով սահմանված գնման առարկա է հանդիսանում դեղատնային ծառայությունները:

Ընթացակարգին մասնակցության նպատակով Ընկերության կողմից իրականացված ուսումնասիրությունների արդյունքում պարզվել է, որ հրավերում կատարվել է փոփոխություններ, սակայն հրավերը հրապարակված է առանց փոփոխություն բառերի նշման և հրավերի փոփոխության մասին հայտարարությունը ևս հրապարակված չէ:

### Բողոքի իրավական հիմքերը և հիմնավորումը

Համաձայն Գնումների մասին ՀՀ օրենքի 29-րդ հոդվածի 4-րդ մասի հայտերի ներկայացման վերջնաժամկետը լրանալուց առնվազն հինգ օրացուցային օր առաջ հրավերում կարող են կատարվել փոփոխություններ: Բաց մրցույթի դեպքում փոփոխություն կատարելու օրվան հաջորդող երեք օրացուցային օրվա ընթացքում փոփոխություն կատարելու և դրանք տրամադրելու պայմանների մասին հայտարարություն է հրապարակվում տեղեկագրում, իսկ փակ մրցույթի դեպքում փոփոխությունները տրամադրվում են հրավեր ստացած մասնակիցներին:



Նույն հոդվածի 5-րդ մասի համաձայն բաց մրցույթի հրավերում փոփոխություններ կատարվելու դեպքում հայտերը ներկայացնելու վերջնաժամկետը հաշվվում է այդ փոփոխությունների մասին տեղեկագրում հայտարարության հրապարակման օրվանից, իսկ փակ մրցույթի դեպքում՝ հրավերում կատարված փոփոխությունները հրավեր ստացած մասնակիցներին տրամադրվելու օրվանից:

Ընկերությունը գտնում է, որ Պատվիրատուի կողմից իրականացված գործողությունները ոչ իրավաչափ են և չեն համապատասխանում Գնումների մասին ՀՀ օրենքի 3-րդ հոդվածով սահմանված սկզբունքներին:

Հաշվի առնելով վերոգրյալը՝ ՀՀ գնումների հետ կապված բողոքներ քննող անձից

### Խնդրում եմ՝

1. Պարտավորեցնել Պատվիրատուին և/կամ գնահատող հանձնաժողովին ընդունել որոշում Ընթացակարգը չկայացած հայտարարելու վերաբերյալ:

Կից Ձեզ է ներկայացվում բողոքը ներկայացնելու համար պահանջվող վճարը հավաստող փաստաթուղթը:

Առդիր 1 թերթ

«ԷՅՁԷՅ ԳՐՈՒՊ» ՍՊԸ-ի տնօրեն՝ Ն. Թևոսյան \_\_\_\_\_

